

直隸霍州志卷八

關隘

營汛附

周禮夏官列掌固司險之職張子曰先王之治體用兼備本末具舉有以一天下之心卽有以周天下之慮所以常久而安固也州爲全晉咽喉當秦蜀燕豫之衝蓋歷代用武之國也又依山阻河地險而固淵藪所在逋逃易招則關隘不可以不審也舊志缺今補入以營汛附之庶幾思患預防竊附於慎固封守之義云耳

直隸霍州志

卷八

關隘

一

本州

千里徑東三十里霍山下 霍州舊號千里徑者山坂高峻每大軍往來士馬勞苦元魏平陽太守封子繪請於舊徑東谷別開一路大丞相高歡從之仍令子繪脩開旬日而就

後周汾州界北接太原當千里徑汾州刺史韓褒聞寇來不下屬縣民不設備齊人喜曰汾州不覺吾至還必莫能追躡矣遂不爲營壘褒先勒精銳乘敵怠而設伏擊之胥獲焉

建德五年陳王純領步騎二萬專守千里徑

回牛嶺

隋漢王諒據并州晉絳呂三州並城隋將楊素各以
二千人縻之而去諒遣趙子開擁衆十餘萬柵絕徑
路據高壁嶺布陣五十里素令諸將以兵臨之自引
兵入霍山緣崖谷而進直指其營一戰破之殺獲數
萬

今河東南路都總管胥鼎疏霍州回牛鳳棲嶺諸阨
戍卒乞量留偵候

直隸霍州志

卷八

關隘

一一

元張藻梁秉鈞墓碑已卯按察那延總軍與公南向
征伐由回牛棲鳳二嶺遂下平陽霍州晉沁潞等數
十餘城又攻太行使其山不得固其險羣師馳入又
下懷孟等十餘城今北郭門外有鳳棲橋元元帥程
榮建

鳳棲嶺

藍腰溝西北三十里靈石界左山右河

三里溝北五十里沁源界左右大山

南坡南十五里 通典隋末高祖起兵自太原至霍邑

隋將宋老生守城太宗以數騎詣其城下舉鞭指揮
若將圍城者老生怒開門出兵高祖因謂隴西公建
成曰汝看兩陣將交引左軍直趨東門命太宗引右
軍直趨南門以斷其歸路老生之軍背城而列陣高
祖以中軍與建成合陣於城東太宗陣於城南老生
麾兵疾進先薄高祖而建成墜馬老生乘之中軍與
左軍咸却太宗自南原遙望見塵起知義師退率二
百騎馳下峻坂殺一隋將遂衝斷其軍出其陣後表
裏齊譟隋師大潰遂擒老生而平霍邑

直隸霍州志

卷八

關隘

三

北坡北十五里

師莊鎮北三十里

辛置鎮南二十里

韓壁在東

青羅壁在東南

轟轟澗堡在西北

蝦蟆灣堡在東南

彘谷堡在東

金鞍村在北

羅澗堡在東南

鳳棲堡北四十里白道都

龍泉堡在東北

李澗堡在西南

龜兒溝堡在東南

南杜壁在南

北杜壁在東

趙城縣

羅雲山西南四十里北接汾西南連洪洞西抵蒲縣巖

險巍峩上常有雲氣

羅雲堡上下三十里近河者平坡寬衍足屯守禦近山者坑塹險隘隄塞不通

亂石灘北二十五里與霍州界東連太岳西逼汾河一徑深入兩崖壁立其中不容旋馬

秦王嶺相傳唐太宗破老生由霍邑至此一在靈石西南三十里太宗取霍邑駐兵地一在縣南三十里一名秦王坂

營田堡東南三十里 安定堡西十里

直隸霍州志

卷八

關隘

四

楊堡南十里 王樂里南三十里

柴村堡東南四十里 胡坦里東南十五里

韓候堡西南二十里 梗壁堡西南三十里

羅雲堡西南四十里 師村堡西二十里

靈石縣

冷泉關縣北四十五里卽古川口也關外迤北皆平原曠野而入關則左右山河中通一線實南北咽喉要地有渡縣志北有靈石口之巖關謂此也

王志冷泉關疑卽宋史所謂陽涼北關也關外迤北

皆平原古關遺址尚存唐開元四年甲午畋於冷泉
天成元年丁酉閱稼於冷泉宮據此可証泉距鎮東
一里許有冷泉堡在關之東山上

桑泉峪河在冷泉北十里居民千餘家山水灣繞特
異 桑平堡在縣北五十里桑平峪村南山上冷泉

鎮東一里許

靈石口巡檢司明洪武
八年置於冷泉鎮今裁

沈復禮脩冷泉關記隆慶丁卯冷泉失守汾霍動搖
又曰萬曆甲午改汾州爲府靈石隸焉冷泉無守而
平陽之門戶撤越二十年襄陵吏科給事中李瑾上

直隸霍州志

卷八

關隘

五

封事直陳冷泉爲平陽鎖鑰上可其議於是平陽有
靈石如故

郭家溝南二十五里縣志南有郭家溝之天險謂此兩
山高峙中界深溝明嘉靖己酉平陽知府聶豹築臺
起樓於溝南題曰天險並建官廳三楹及窰洞數十
以宿防禦官軍溝跨一木橋歲久圯萬曆二年知縣
白夏易以磚石仍建弔橋於橋北深塹以遏敵衝舊
有關帝廟嗣蔡兵備扁樓之南曰幽壑岑樓北曰深
溝固壘曰古霍咽喉嘉慶十五年知縣王志澍重脩

額廟楣曰閭風縹馬靈石與霍隔百里凡嶺六有關
曰天險辛珍郭家溝記橋在韓侯嶺南常家山巍峩
巖薛與太行相參歲雨集則綿山及衆壑之水瀕洞
奔趨日浚歲深遂益埵窪兩坂峻宇陟降者靡不驚
眩而憂僵蹶况陰雨寒沍積雪堅凝者哉

郭家溝河在韓侯嶺常家山中山峪水會流經魯般纏
入汾按泉子山備禦記云東通於平陽者靈石之郭
家溝是也西通於平陽者寧鄉之泉子山是也東路
斷則靈石迤南無憂而平陽之左備以固西路斷則
寧鄉之迤南無憂而平陽之右備以固此雖專爲平
陽備禦而言以郭家溝地屬靈石故附錄之

魯般纏在縣西南四十里地極峻嶮上有寺傳爲魯般
所脩後有石洞幽深邃暗人不敢入時有風自洞中
出四時不息或以爲風穴云韓侯嶺在南二十里汾
河東相傳葬淮陰侯首於此

靈石有韓侯嶺志傳多譌按漢書曹參從韓信擊趙
相國夏說軍於鄆東大破之信下井陘而令參還圍
趙別將戚將軍於鄆城戚將軍出走追斬之鄆城卽

古鄆城泊蘇林曰鄆太原縣今介休地介休南卽靈石是必夏說嘗阻雀鼠谷之險而信據嶺以扼其要乃克破之於鄆城東耳

路史昭餘祁在介休連延祁縣呂氏所云大照一名漚澤俗名鄆城泊者是也

雀鼠谷通志自介縣義棠鎮南至靈石陰地關賈胡堡

皆古雀鼠谷也按水經汾水又南過寇爵津一本作寇爵津

注汾津名也俗謂之雀鼠谷數十里間道隘水左右

悉結偏一作編梁閣道纍石就路縈帶巖側或去一丈

直隸霍州志 卷八 關隘 七

或高六丈一本作或去水一尺或高五六尺上帶山阜下臨絕澗俗

謂之魯般橋蓋通古之津隘矣亦在今之地嶮也王

志昔唐元宗曾出此谷有詩唐諸臣多有和作蓋縣

南五里汾水折而西為古驛路沿河西行二十里至

許家店河北為夏門鎮又七八里至照碑灘卽雀鼠

谷地也又南十里至魯般纏又南關鎮至石茨村入

州界路漸平又二十里至州相傳明季因河患改今

路按北周建德五年帝至晉州遣齊王憲率精騎二

萬守雀鼠谷隋大業十二年太原留守破唐甄翟兒

於雀鼠谷唐武德三年秦王追宋金剛至雀鼠谷日
中八戰金剛走介州官軍迫之以餘衆二萬出西門
背城陣方輿紀要云雀鼠谷蓋當往來之要路是也
唐武德二年四月劉武周入鴈門至雀鼠谷栢壁
秦王嶺西南三十里唐太宗取霍邑駐馬於此 老生
寨高四里對秦王嶺宋老生築以拒唐兵唐將攻霍
邑而不得進因霍山神語從微道進遂破之

蛤蟆嶺西南五十里卽賈胡堡唐兵取霍邑駐此

陰地關西南五十里卽南關鎮

冷泉關在北此稱南以別之

唐宋以

直隸霍州志

卷八

關隘

八

來雄關橫亘今關廢遺址尙存 宋地理志靈石有

陽涼南關陽涼北關

舊志載仁義鎮爲陰地關

明一統志關在縣

南二十里汾水西其地燥亢視冷泉迤北差暖故名

仁義河在縣南四十里源出沁源流經石膏諸山南

過仁義鎮至南關鎮入河 仁義鎮西南至南關鎮

十里縣志唐太宗興仁義之師取霍邑劉武周築堡

於北山上屯兵據險以扼其後山勢斬峭四面壁立

若天成然太宗復破之故名

昭宗大順元年招討制置使張濬討李克用擊陰地

關敗濬遁李存孝取晉絳大掠慈隰境 五月太原
行營都統張濬屯陰地十一月濬師大敗於陰地濬
軍三戰三敗濬及副使韓建遁歸 天復元年四月
侯言出陰地關以攻晉 唐李嗣昭復取汾州斬李
塘遂出陰地取慈州降其刺史唐禮又取隰州降其
刺史張瓌 梁開平二年晉周德威李嗣昭將兵三
萬出陰地關攻晉州刺史徐懷玉拒守太祖自將救
之德威退保隰州 貞明元年唐莊宗取魏博匡國
軍同州節度使王檀謂晉兵悉在河北乃以奇兵出

陰地襲太原不克而還

周顯德初劉崇南寇命河中節度使王彥超領兵取
晉州路東向邀擊從戰高平彥超自陰地關與符彥
卿會兵圍汾州諸將請急攻彥超曰城已危矣旦夕
將降我士卒精銳儻趨以先登必死傷者衆少待之
翼日州將董希顏果降 宋建隆元年太祖征李筠
詔建雄軍節度使楊廷璋率所部入陰地分賊勢賊
勢平歸鎮 元文宗天曆二年令靈石陰地關穿塹
壘石以爲固使丁壯守之

汾水關通典今縣東南有高壁嶺雀鼠谷汾水關皆險要之地

長寧關

竹竿坂

磨兒溝東北三十五里溝東西有墩臺二抱腹岩西北

接介休界

文殊原西二十里

逍遙嶺南五十里州界

印馬峪在縣西接隰州境

直隸霍州志

卷八

關隘

十

桑平峪北四十里介休界

新莊村西一百里隰州界

魚兒川東一百二十里接沁源界路通霍州岳陽武鄉

趙城諸地舊志謂山險林密嘗爲寇巢萬曆四年議

脩堡寨置巡檢司不果今則太平日久居民稠密山

路平坦非復昔時之險惡矣

馬跡崖寨東三十五里綿山上極陡峻岩穴窟洞足容

數千人四面無路惟一石梯可登梯殊高上又有石

門阨之

三清寨東四十里綿山上懸崖陡澗上有屏風石內有清泉

禪房岩寨四面險阻一徑裁通中有泉

送飯子寨在縣南三十里牛鼻山巖下高峻險阻土人嘗依以避兵

曲栢峪寨在縣東四十里山勢陡峻中有泉土人嘗避兵於此 馬和村三堡 吳家山頭一堡 楊家園一堡

冷泉堡 索洲堡在縣北二十里索洲東山上 桑平

直隸霍州志

卷八

關隘

十一

堡 天險堡在北王中萬歷二十六年知縣袁應春建 靜昇堡縣東三十里靜昇村北山上

旌介村四堡 蘇溪村二堡 上村堡縣東三里上村北山上 兩渡墩索洲墩河洲墩 胡家嶺墩 大

泉嶺墩在竹竿鋪 高壁嶺墩 常家山墩在郭家溝南山上 以上七墩今皆更易

磨兒溝俗呼磨子溝在縣東北三十五里溝東西有墩臺二在抱腹巖西北與介休交界

營汛

本州外委把總一員雍正七年設額外外委一員乾隆二十七年平陽營設撥協防本州辦理差使均駐城內

趙城縣經制外委一員康熙五十八年設乾隆二十五年添設額外外委一員俱駐城內

靈石縣冷泉關營原設把總一員雍正七年添設駐防本縣外委把總一員十年改設千總一員乾隆二十七年添設存營額外外委一員現在千總一員駐水頭鎮外委把總二員一駐縣城一駐州城額外外委

直隸霍州志

卷八

關隘

十一

一員駐水頭鎮

本州守城步守兵十名七墩舖防兵共三十五名又設撥協防辦理差使靈石營抽撥步守兵七名道光元年奉文裁汰存城兵三名現在共兵四十九名內步戰兵五名守兵四十四名官弁廉俸兵餉馬乾等銀由靈石冷泉關營具領應領本色米八十五石九斗在本州常平倉支放米八十一石靈石找支米四石九斗其額外外委銀米馬乾俱在平陽營具領

趙城縣守城兵十名額外外委隨帶兵十名道光二年

奉文裁汰在城兵二名現在存城兵十八名四墩汛
防兵二十名俸餉馬乾兵餉等銀按月在平陽營請
領

靈石縣現額馬兵二十一名步兵二十三名守兵一百
十七名共一百六十一名內撥防本縣駐防步兵二
名守兵八名撥防本州城守並防汛步兵五名守兵
四十七名

又分防本縣仁義鎮安塘馬兵五名衝路十一汛守
兵五十五名僻路志家莊守兵三名存營馬兵十六

直隸霍州志

卷八

關隘

十二

名步兵十六名守兵四名應支廉俸馬乾兵餉本折
等銀營員於每年二月赴藩庫領回交貯縣庫按月
監放

以上軍裝火藥各貯庫

墩舖共二十一處

內

本州鑾鈴舖

州南
十里

辛置舖

州南
二十里

北關舖

北門
外

十里舖

州北
十里

周村舖

州北
二十里

師莊舖

州北
三十里

白道舖

州北
四十里

趙城縣王開汛 十城
里南

北關汛 北門
外

衛店汛 十城
里北

益昌汛 十城
里北二

靈石裴家峪汛 五城
里南

夫妻廟汛 里十五

郭家溝汛 五二
里十

山神廟汛 五三
里十

仁義鎮汛 里四
十

逍遙嶺汛 里五
十

張家峪汛 五城
里北十

吳家墳汛 五二
里十

崔家溝汛 五三
里十

冷泉關汛 五四
里十

桑平峪汛 里五
十

以上每舖防兵五名炮三位墩臺一座烟墩五個高

脚碑三面水勾旗鑼各一件俱存各舖